

MAJLIS PERASMIAN PENUTUP EKSESAIS ANGSA 12/2017

airforce.mil.my/berita/acara-rasmi/2670-majlis-perasmian-penutup-eksesais-angsa-12-2017

KUALA LUMPUR, 13 Nov 17 – Ekseksais ANGSA 12/2017 latihan bersama ketiga-tiga Perkhidmatan Angkatan Tentera Malaysia (ATM) melibatkan Tentera Darat Malaysia (TDM), Tentera Laut Diraja Malaysia (TLDM) dan Tentera Udara Diraja Malaysia (TUDM) yang telah dilaksanakan bermula mulai 6 hingga 13 November 2017 bertempat di Pusat Simulasi Olah Perang (PSOP) telah berakhir secara rasmi petang tadi dengan mencapai semua objektif yang telah digariskan.

Majlis Penutup ekseksais telah disempurnakan oleh Panglima Operasi Udara, YBhg Lt Jen Dato' Sri Hj Abdul Mutalib bin Datuk Hj Ab Wahab TUDM yang mewakili Panglima Tentera Udara bertempat di Dewan Perkasa Wisma Perwira ATM.

Ek ANGSA 12/2017 yang dilaksanakan dalam bentuk *Staff Exercise* (STAFFEX) telah berjaya dilaksanakan mengikut perancangan dan mencapai matlamat yang disasarkan. Sesuai dengan ekseksais terakhir dalam siri pelaksanaannya dan akan diganti dengan Ekseksais Pahlawan, Ek ANGSA 12/2017 telah dirancang dan dilaksanakan bagi mempertingkatkan pengoperasian bersama di antara TDM, TLDM dan TUDM sesuai dengan perkembangan teknologi, taktik dan keperluan semasa.

Secara keseluruhannya, ekseksais ini telah mencapai objektif utama untuk melaksanakan perancangan operasi bersama yang melibatkan gambaran senario geopolitik di Laut China Selatan. Ek ANGSA 12/2017 telah berjaya mempertingkatkan pengetahuan dan kemampuan peserta dalam menjana konsep operasi dengan efisien dan berkesan. Tahap pengetahuan dan kecekapan peserta dalam mengaplikasikan *Joint Military Appreciation Process* (JMAP) sebagai metodologi merancang juga telah



berjaya dipertingkatkan melalui *tutorial*, sistem *mentoring* serta memahirkan peserta dalam penggunaan *Joint Theater Level System* (JTLS). Pendedahan dalam eksesais seperti ini telah memberi manfaat yang besar kepada peserta eksesais dalam penyediaan Konsep Operasi. Konsep Operasi yang telah dihasilkan akan digunakan untuk eksesais-eksesais pada masa akan datang.



Turut hadir dalam majlis tersebut adalah Panglima Armada Barat, Laksamana Madya Dato' Seri Mohamad Roslan bin Mohamad Ramli; Asisten Ketua Staf J5 Mk Angkatan Bersama, Laksamana Muda Zulhelmi bin Ithnain; Pengarah Eks ANGSA 12/2017, Laksamana Pertama Anuar Hj Alias; Ketua Pengarah OPLAT TD, Brig Jen Dato' Hj Yaacob b Hj Samiran; Asisten Ketua Staf J7 MK Angkatan Bersama, Laksamana Pertama Chan Peng Cheong dan Komander JTF Eks ANGSA 12/2017, Laksamana Pertama Khalid bin Jaafar.